



已上板

○ 散之馬

新鈔詩三

○ 卷十一 卷十四

卷十二、十三、十五
板黃待壽六首已存

卷十二、十三、十五
畢本卷卷字

壬戌三月
五補音
此篇十三卷

此一遍專力看詩其序題占注尚未十分細定
壬子十二月初五日雪窓漏下一枝札
此之卷姓書長為以須細定

凡此下并序 以下某年此小字其序不分二

題內改一齋
已未月十日

卷十二內一首物前

華 此字通集書一

卷十一 十六页

廿九首

卷十二 十九页 五十七首

卷十三 十六页 六十五首

卷十四 十六页 四十六首

此册三册

十一卷五十四卷

共二百〇九首

合前共

八百六十七首



復初齋詩集卷第十一

大興翁方綱

正三

寶蘇室小艸一

癸巳九月至乙未正月

寶蘇名室以是年終得宋槧蘇詩施頤

注本也

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

敢將杜老茅亭擬接葉之亭在屋東芷塘編修居也打戶去

寶蘇

冊四首

剛一首

年寒夕響耐人尋味是霜風
霜風已落霜未落幾片綠粘猶院東童子掃除喧
不靜過門車轂快于風
下馬如虹幾箇同揚裾振響玉丁東破書四壁餘
無物只有繙書一榻風
留客繙書野圃同菊籬又漸月升東若為乞箇他
山石只少墻陰薜荔風

先生許以圃石分惠故

重陽前一日登憫忠寺閣晚集習菴宮允寓齋

寺門不敲七晦朔春遊短詠待珉斲海棠而後到
菊花過眼羣英送紛颺今年春歸秋早寒寺菊盈

擔珎剖璞齋中有菊寺無菊高閣徒看幡影卓宮
詹宮允先我到欲登未登愁剝啄今晨大聲喧野
氣至午衝颺猶面撲我目攝在花氣表人意勁將
風力較家居最近魁三象舊諺曾矜天一握

京師諺云憫忠

高閣去天一握濛濛樹翳乍開合蕩蕩雲光紛解駁半空葉

驟鳥雀聲四面鈴語欄杆角豈知觀物起庭戶縱
目無煩曠繇邀同遊侶得花意深折簡人先霜信
覺今日霜降宮允先歸更我待諸公雜坐臂交捉飛觴霜月
朦朧下我詩地籟喁于學明朝城北登高迴更飲

城南莫辭數

起居注館夜坐

右掖垣邊榻西清侶復聯窓開殘月影櫃鏤舊時
編玉座光相直銅鏤撼不眠朦朧江海夢忽落
曉鐘前

移居爛麪街衙二首

每搬七椀裹偷糧慣是新霜欲曙天

州城東育賢坊壬辰移居潘家河沿皆在秋末冬初居定後成官定後十

秋前朔廿秋前矮窓土銜温暎入舊架荆扉

冷蔓纏下學工夫貧士味要分燈火到青

編

半幅寒林借鬱然繩牀北際竈西偏巢鶯漫報東

橋訊屋東接葉亭祝並塘編修所居也判乙曾來長史顛屋券有張南華前輩書押四壁磬

懸雙石在比鄰茶話一瓶綠汪彥孫助教家多藏書街坊爛麪名

元好不敢隨人作懶眠

顏氏所藏魯公名印歌

魯公之書皆篆筆公印文亦公書匹芒寒色正屹

兩字千五百年如烈日當時不識公何狀歷歲逾

遠神逾出朱文炯炯拜識之一縷孤光走虛室誰

云文字記姓名浩然之氣在中實磊磊碑版琅琊

郡未表公名萬分一朝衣羽服何分別箕尾列星

以為質敬之敬之方寸間子孫祠堂守無失我不

敢呼但手摹已循偏傍增慄慄還之入篋日映窓

猶有松呼暮濤疾

四系物在堂

卷二
三
秋草堂歌為錢獻之賦

古籀篆隸四時配鄭杓衍極說有由欲推書契返
至朴陰陽奇耦均剛柔仰觀俯察溯倉史勒銘鑄
鼎先商周九千字書課尉律汝南測顯按諸幽鼎
臣楚金不可作誰演閏餘從孟陬我有尊堂不敢
擬錢郎勁筆無匹儔虎坊橋東置一榻黃葉亭子
觀九州苔紋石溜皆鐵畫月涼露墮飛銀鈎願乃
謙將後時比下視隸僅寒冬侷琴書昨將冬友託
獻之舊館嚴冬友侍讀齋嘯歌今果秋士謀細思將置我何地我書
尚遜隸一籌行尊日借官牘尾摘藻妄詡春華抽
見君堂顏得無媿聽我贈歌子試酬秋者萬物所

成遂不必夷則吹金韞竹秋三月麥四月春亦有
實夏有收古人於學匪翫物事事造極窮源流方
今圖書萃四庫四方鉛槧來諮諏子如奮飛必有
用上者編歲次校讐六書八體非一藝推於易象
於箕噶告成譬稼為萬寶管子云歲有四秋此堂
之兆蓋為此况子朝夕勤研求吾友紀公氣朗澈
冰壺玉衡日相投一甌春露容我坐四壁古色曩
鼎舟我齋亦頓得秋意有子大字題上頭

屋書
獻之昨為予篆青棠

臨南寶買得蘇詩施注宋槧殘本即商邱宋氏藏
國師者

戊

國初海虞有二本其一寅歲收六丁順治七年十月事維時

湖南寶晉叟把卷凭閣看飛熒宋元舊本鏤次第

獨此未及傳模型可憐醴泉化度法瑤臺成削留

娉婷也是園翁痛著錄不得再覲隄糜馨一朝東

吳故家得四十二卷重汗青黃州判官有舊夢笠

屐圖子來丁寧由儀篇忽上客譜束廣微濫吹竿

聽啣薑黠鼠到潛采衆目特讓查田醒江南書手

費影寫掇拾想像於竒零施注實惟施頤注施家

蘇學詒過庭紹興書歲嘉泰歲淮東板出倉曹廳

漢孺楷書作佳話湖州詩獄此又經石鼓文與會

稽志同時技槩新發施武子又於淮東倉司訂石鼓文刻之嘉泰會稽志卷末題云安撫使司校正

書籍毗陵先生世莫識要以土蝕成青萍宣和間禁

傳稱曰毗陵先生學者私記其書卷前惜闕譜及目世間僅此鳳與星蘇氏文字

者又得顧禧集文字聚合憑精靈重開此本儻異

日敢任嘉穀滋蝗螟摹公書帖奉公象笑彼亭長

署杜亭我當熱香日望拜公乎弭節來雲

次韻蘊山見寄三首兼示雪門以下甲午

連篇翰墨憶西園不得燈前與對論枕簟江山鈴

閣靜從容獨說

君恩坐

春蒲池畔綠勝編自薄蟲魚往歲箋山海閱深露

漑淺故人詩句太相鏤魚龍豈與木隄前十

夢從江左溯江西風雨魚龍起聽鷄秋水欄前十
年侶花陰幾箇並巢栖

董文敏臨顏贈裴將軍詩卷乙亥冬外舅
韓翁以貽予翁所藏書畫皆散失予所得

惟此而已甲申使粵借留故友齋中歸而
問其嗣君不可得乃記憶臨之而題詩於

後

我昔聞自天瓶翁紙幅蝕損嗟神工此卷綾本非
紙本心手先後誰魯公天瓶目曰董晚歲此卷甲
寅萬歷中舟次邗溝甫花甲自謂法與君謨通未
官宗伯前十載講官制誥雙印紅世人贗本宗伯

印何殊以冰語夏蟲

董於天啓癸亥擢禮部右侍郎今所見書畫在此年以前而有宗伯學士章者甚多

魯公此蹟備衆體屋痕壁折交龍從正行草篆極

其變巧拙肥瘦誰能窮香光臨此獨不爾別有逸

氣行秋空前用渴筆後濡筆劍光叫絕劍舞雄城

北竹窓燈下看電掣素練生霜風携歸十載傲顏

蹟又十載後追楚弓吾翁平生勞結聚竹寫梅里

山圖嵩桓家寒具頗記憶王粲書籍慙童蒙吾翁

望我蓄筆力獨貽此卷餘深衷摩挲淨几日想像

淋漓元氣誰結融一家眷屬顏與蔡擬共北海加

磨礮他年倘更此卷得永師和璞同不同

以廣東石刻數種贈竹君學使蓋欲易其

安藏諸石刻也詩以代東

十年不得聯牀話一笑先索債詩債春明對巷憶
扳遊古寺東西聽梵唄眼明興到跡輒追子得頗
多吾已隘後先持節出國門我則嶺東子江介校
文之暇每舟車此物投人吐光怪山川須借文字
氣洗剔不關袍笏拜虛名好古最累人培碑頽絳
因興喟而我巾箱貯翠墨不問片紙文成壞絕壁
時聞海颶來捫蘿屢冒秋陽曬羅浮巖麓經十度
歸檝潯陽竚九派尔時子正掬黃海九點池陽可
一芥象之之日陳思編嶺南尚遜江南界梅花亭
子記最豪楚金扁字卷如蠶玉堂典冊要子歸手

畏嬴糧起我憊花辰何以補契濶珠琲旋將出狡
獍移我袖中東海石酌子天漿北斗灑三十六峰
四百峰得我二人真一快新禽響借松風轉活泉
稷又蘭舟屈更聞部香所察碑新入琳瑯錄金薤
明朝步履過東家何用盡捨書籍賣

漢延熹西嶽華山廟碑歌為竹君賦

漢安元嘉興永壽東京碑字皆未磨今人獨於此
碑惜謂出中郎重摩挲或云會稽攷古誤太史郎
那中郎過元常元嘉卒史字稚圭信否圖經訛箭
筈門間殿基礎嘉靖年以粗沙廟趙岫所以慨作
跋跋與洪趙非一科誰知此跋宛在此葉葉蠅楷

辛

如擘窠椒花舫深塵不到未展額篆先吟哦上溯
 周禮職方氏下薦巡狩豐年歌霸陵新豐地特紀
 袁君孫君績駢羅昭印瞻仰女汝合鑿亭字更加
 切磋碑以鑿為監亭為亭洪未釋者惟初分隸次仲作王蕭之志交相
 訶建初熹平源測委韓詩鄭易諺則那篆與隸分
 遞相減初但俯仰無撇波華山華亭記樊毅三碑
 皆系于光和建寧之前建初後篆隸斟酌無偏頗
 鎔金屈鐵六百字全文六百九十字今缺九十七字金精白帝高嵯峨三
 峯萬古一元氣想見於此旋羲娥精神融結到此
 本二百年前已無多雲駒雲維二東子墨莊樓中
 同手摩鄣髯題曰郭香察小史遞以凍筆呵裝池

一藝成故實方于魯亦矜九螺趙子函跋山王宏嘉用方于魯墨補書松談

閣又翠微閣山史筆力追隸蝌孫碩二跋不可見
 諸老白髮來婆婆百年又隨江南客星虹萬丈藏
 煙蘿君今輕裝南返北一本匣抵千金馱君精六
 書勝于郭尉律不止言虞戈宜討本原證文字昌
 黎所謂如懸河亭林昔亦吉金擬但稽職司不及
 它一碑可以該漢隸婁機字源較若何

瘦銅舍人所藏宋榻汝南公主墓誌殘本
 裝潢者誤分般草為二字舍人自跋引蘭
 亭縫書僧字誤曾為喻入引昔人誤
 孰乃鴛鴦為人日為一屬為題尾予因記

此誌首云公主隴西狄道人不知何時一
本誤割公主隴西字遂從狄字讀起而鄭
夾滌通志金石略直曰虞世南所書狄道
人墓誌此事相類漫書二詩於後
第三可補新書傳誰道紅綾幅未全筆髓一痕窻
日影認來恐在米家前
戈波有幾落塵寰戍削虛無窈窕間何處道人真
姓狄玉扃金闕與仙山
畫京邸耶畫淮浦濃者樹石澹轉戶黯黯月與冥
冥雨紅豆客取黃門語畫來一十四寒暑秋又轉

春表換紵是日看花寺西圃花前私厨為君酌春
陰^著人此廊廡君何為兮獨延佇風褰簾兮雲翳
渚竹為騷騷松為舞人生未免以襟貯秋痕酒痕
一仰俯題詩花陰正晴午

送春四首

小集無名那盡歡大家藉口惜春殘行逢略約時
停騎揀取招提一倚欄如夢水潯追去遠半陰天
氣得來難暖風相着非聲影柳絮漫空滾作團
奚童蠻榼遶村忙戲蝶游蜂駐屐香花不自言情
脉脉酒如慣閱迹堂堂蹇予要眇繽紛貺癡絕徘徊
佇立望茆店土墻墳柏側路人大笑客顛狂

如駛坡邊一晌塵鞭絲馬尾又車輪偏多摘卉憐
香眼不屬為園抱甕人萬慮低徊當酒半百營城
市計明晨風光流轉憑傳語可是留春是負春
穿將寺圃更田塍看過紅棠到紫藤旬月不曾教
落莫一罇肯便付膏騰殿餘婪尾仍申約典盡春
衣料未能除是花光照無睡夜涼雨灑隔簾燈

李晞古畫黃文節小像

瘦非摩詰貧非顏先生自審二者間往時却入伯
時畫是邪非邪見一斑伯時之畫石牛寺牧羊客
擬排天關此幀李畫非李仿我尋皖山得廬山元
豐初赴白下宰鮐魚快閣前三載夢中有夢身外

身坐覺千巖變光彩溟濛九天下銀練眩轉一漚
作雲海幅中塵尾萬壑風真氣眴眴雙眸在是時
那計返權圖人物眇然巖壑孤巨石橫流要砥柱
激昂磊砢應時須誰能相觀最深處不在面壁雙
趺趺空煩想像太史褐華陽笙鶴松風呼

安染匠仿山谷服
桑之曰太史習

山谷謫宜州
作返棹圖臨

書校官碑拓本後呈孔莊谷戶部

十意既不傳獨斷寧無誤壬子者何年靈帝紀則
具呂新誠宜削干支將焉附

莊谷引蔡邕獨斷漢高帝乙
未至壬子歲四百一十年呂

后王莽不入數愚按王莽合孺子嬰居攝凡十七年合更始二年呂后八年
為二十七年自高帝元年乙未至靈帝熹平元年壬子三百七十八年若於
中除二十七年僅三百五十二年安得云四百一十年而邕獨斷既云靈帝
二十二年董卓立陳留王為帝則是其書成于初平時邕死于初平三年壬

刪

刪

申上距熹平壬子已二十年又不當以壬子為止也獨斷之紀漢年不可據明矣

幸此碑首存得以漢歷
源艱哉劉昭補逸矣章懷注惟茲邑長臧勸善以
為務祖桓與爵觚典禮在堂昨是以校官名表厥
風聲樹或曰師儒任義儼古保傳或曰令宰司碑
詞有錯互請觀戟門邊永無城湖仆象之記輿地
尉廳又縣圃紛紛疑信間匪特菰孤句
碑以菰竹為孤竹洪所未釋
農曹精鑒識跋語即典故寄書溧水令
門人凌世御試選
諸生賦質之南濠都勿泥亭林碩

送釋石典試江西

大比掄江介斯文切典型先生尤有感此路昔曾
經太傅初持節章江共艤船重來尋臭味詩話在

家庭

庚午端再典江西試寄釋石詩有悔不重遊廬阜邊之句

廿八年陳迹三千里驛

亭蠡湖秋雨白滕閣暮山青緬想老詞伯于今爭

勒銘識先雷紫氣價漫薛青萍江右五家派庖丁

一出劓歐曾餘矩矱翼軫有精靈萬古真響在三

秋俯檻聽艷非翹翡翠銳或走雷霆昨者山谷像

真逢廬岳形新詩逾頓挫舊夢必丁寧借問尋衣

鉢何如建屋甍吸龐無畔岸學杜肯畦町仙井人

如在南州集未聆元虞文靖嘗欲撰南渡以後詩為南州集而不果橫斜看峯嶺

曩歲貯沙汀賤子忝行役求師自弱齡昌黎文幸

假敬禮筆無停大藥能病起高呼使寐醒披榛見

堂與連夕此窓櫺幾卷猶丹槩席間重訂汪厚石詩集諸公倒

疴

玉瓶圖書聚東壁霧雨鬱南溟誰作金哥夢

已卯予副錢文

敏典江西試其秋江西人有夢神告曰金哥哥未王試蓋前一科丙子金槍門宗伯典試夢者謂必金公再來而不知金戈戈乃錢也

重栽月

桂馨兩株大梧葉仍覆校文廳

試院桂二梧二桂是文端手種也

嵩山三柏今二存一則俯攬一仰騫或云周旋象

風雨或聞螺角相吹喧脫枝皴裂虬虺穴老骨突

怒雷霆奔土人傳說荒怪甚圖經比擬稱引繁圖

之山石勒不朽拓者閉目尋其源有頃堊掃雙柏

出四無粉墨傷無援我聞維嶽天峻極晷景上直

中宮垣又聞嵩陽著感應卿雲瑞鶴徵類蕃倥佯

上下風雨會汝潁舍抱陰陽原

二句槩括嵩陽觀碑中語

李碑徐隸

氣道勁一千年久無苔痕此碑正在雙柏側君昔

讀書雙柏根造物生成意有在物博根厚非朝昏

譬諸模楷及喬梓或于其身于子孫俾爾茂承惟

尔獨降維申甫人維藩大材培植古難遇山中韜

養豈易言石幢題字又湮沒

柏側舊有石幢唐宋人題識甚多

漢封傳會

何足論

嵩志云漢武帝封此柏為三將軍

講堂已見宿鸞鳳碧巢會引翔

鵬鷗願君無忘侍行日日石檻蒼煙捫

錢獻之上舍所摹盤石衛指揮使司夜巡

牌并序

衛在浙江温州府樂清縣明洪武二十年置定海盤石金鄉海門四衛指揮使司於浙江竝海之地

以防倭寇牌在今禮部官庫中
徑圍三寸邊鏤雲箭枚匪仿應劭云明初衛司置
海縣夜巡特謹防海氛衛設五百四十七備倭不
獨掌守勤玉環島扼全浙要黃華蒲岐諸水軍風
帆沙^澳胥應此厥名盤石非空文澤國鑄金掌節
湖錢子答友稽古殷定陵昔訪程典客送往募勢
偏徇分牙牌^{牙牌}編號著謹字^{明神宗於內府得牙牌上刻號牌二字}
自防護四夷之使所以謹字編號也
見新塗朱孟震道官餘談
此牌惜未編號聞昇平大
洋儼襟帶針程萬里波無紋摩挲片紙認陽識不
比丞毆求秦斤

晨起同姬川陶然亭作

十日屯陰一日晴數峰纔啓半峰明何嘗信宿扶
筇到但取蒼涼拄笏情當午校讐爭晷景幾時蒲
葦又秋聲閒庭風雨閒街月此地從來欠合并

送辛楣典試河南

殿庭賦寶善詹事宸崇班海內人胥望天中
命特頒斯文有圭臬測景澗河關伊洛盤迴氣嵩
邱青翠顏秀^才科孰最鄉飲賦俱嫻^{唐河南府試賦鄉飲禮}土沃
滋培久淇源左右間先生持節地往者楚南還遂
有登樓作猶能起我頑^{壬午辛楣使湖南予使湖北}大河連
莽蒼^聲秋響又潺湲井叔登封後中州志乘刪按
羅逢此手靈秘不能慳知尔募金石囊中幾郡山

蔣文肅梅竹卷為陸丹叔編修題二首

子固梅詩即梅譜譜梅兼得竹精神印泥印處於

何起試訊空窓對月人

文肅自跋謂本趙子固詩意

因緣文字果誰關昔歲詩篇費往還習氣先從商

谷子泥他晚照寫谿山

前年秋葺石失畫一篋居士貞谿山晚照在焉予與丹叔辛楮魚門往復數詩此卷

即葺石以報谿山晚照者也

江寧周慢亭文學見予焦山鼎銘考釋蝕

處曰胼字謂其先翠渠公曾拓本也

詳本歲閩中康熙三十年其祖視鼎腹蝕處

以告其尊甫曰須識是胼字也詩來次答

末學竄承師竅啓非目力但媿勤蒐獵云胡瞻貍

特新詩枉未譽轉得因解惑翠渠與冰崖同朝齊

翰墨事往三百載

光襄敏公自衡州守轉江西左布政使翠渠有贈詩事在明成化初年

艱甚一

蠡測鰲峯本亦善

謂徐與公

籤厨光久匿馬得故老語一

一如舊識借問繫徐鍇何如表江式

中秋夕張瘦銅舍人以所藏蜀宮鏡拓銘

於冊索題賦此

銘小篆三十二字與唐瑩所質鑑同惟末一句作俱涵影中影从夕似誤

君購寫翠傳紅軒曰貯寫翠傳紅鏡唐銘左旋此

右旋對臉當看質同瑩尚方鏤篆古所傳飢食粢

與渴飲泉蓮紅桂白曾比照華屋珠簾每對看

唐開

元鏡銘華屋交映珠簾綺語無過長壽考蜀宮誰為溯華

對看見元遺山續夷堅志

年鳳州漫說歲山穴水族花紋背無缺記事君家

刪二首

有紺珠讀銘難得逢佳節示我迴環縷縷文配來
皎鏡團團月繡幌義本勝繡幃影字从多異所聞
西神八衛范屢易且莫區區小篆論

清涼山居圖歌為江寧周幔亭賦

周郎竒情四方走與我同出莆人後署名仍曰莆
田生山居自託清涼久翠微亭本南塘址石城麓
即陶谷口因山引水初鑿池疊土沿谿復成阜誅
茅面勢橫略約環翠開軒布花柳或來畦上看枰
罨時坐泉邊讀蚪蚪自銘飛白篆隸分拓本鐘鼎
尊罍占就中尺考及泉錄細辨寸十揆府九惟初
量衡生律度亦若文字相子母開元近雖信本稽

安陽遠孰軒轅剖山下安中兩口重十品相權一
律否建武建初制果合周尺漢尺堪為偶意借五
度審六書遂因識字更求友嗟予亦名青棠屋

青棠書屋與子齋名同

寥落四壁空窓牖自莆遷北三百載乞椀

搬薑亦何有讀君幔亭山館記亭俯山下南東畝
幔亭本是武夷居賓雲儻憶芝田藪僮掃落葉兒
讀書雪拾樵薪雨剪韭他時過訪叩門識計日著
書盈尺厚蘆溝秋陰君莫去青棠葉下且沽酒

重陽前二日姻川郎中招集寓齋以病不

赴賦寄二首

翰君讐校幾宵忙又負西窓一段涼桂酒開鑿須

隔日明日京兆榜發菊花有信尚無霜峯晴任放層嵐紫樹

老能留夕照黃更好秋深更月尾先生恐要補重

陽

去年高閣遙雄談已少同遊客兩三韓石辛楮時皆出使暇日

商量滌渣滓滓幾人臭味共辛甘八窓雨積餘青入

百首文浮大白堪如此花風如此酒先生肯便憶

江南

丹叔編修以諸賢題馬士英畫冊屬賦

櫟園讀書傳畫人目無其人有其畫可憐其畫復

何有枉作春風酒邊話施雨咸耶馮玉瑛施假馮

真誰復爭士英貴後多情施雨咸代筆見周亮工讀畫錄後人惡士英名改為伎女馮玉瑛見張庚畫徵錄詈之惜

之又煙墨斷坡殘柳何重輕翰林閒窓重陳迹青

谿水繞秦淮碧却憶銀燈畫舫看揚州司理紅橋

夕

張子奇文學八十壽詩

寄園十載比隣處憶得彭觥拄杖聲仍聽連牆經

自授忽追侍側酒同傾交游除却談詩易鄉里誰

偕叙甲庚蘇軾沈遠皆丙子丹砂勻漏使人驚與張

先大夫及包介庵師皆生康熙丙子介庵師近著易說詩說各若干卷

病中裕軒學士枉過兼辱新詩次韻奉酬

二首

病聞長者寄聲頻坐覺寒齋暖欲春掃逕霜風遲

詔字一行平提

葉落不曾料着打門人
詩裏先拈葉落頻筆端
三昧幻如春先生日日渾
觀微不比城南偶卧人

送黃忍廬都諫視學山東

霜臺久已矢虛公
洙泗掄才更不同
辟簡千年新
詔輯堂開萬卷舊
家風明湖亭檻
秋光外蠶尾山
房夕照中重訪
漁洋書庫在娟娟
香祖又成叢

崑園先生於康熙庚寅視學山東刻漁洋詩話崑園漁洋門人也

謝金圃司空視學江南王良齋給諫觀察
廣西同年小集予病不赴以詩代餞
侍郎霄漢下星槎
給事聲名動海涯
同日難逢傾

竿

綠竿幾年不共對
黃花楓江霜冷澄
秋鏡桂海嵐
陰鎖暮霞盡醉莫辭
車緩牽巖城未到樹
插鴉

皆居內城故云

錢獻之南歸意盡送序中矣復來索詩

應二首

男兒得名早此際保
謙難入洛無肩比
冲霄好羽翰今誰定
文字僕獨好譏彈
人海三年夢江頭
試憶看

臨別留題卷縱橫
大篆能方當尋鉉
錯且莫傲斯

冰惠氏前師在珠江
故事徵說經吾八
載力未一

豪勝

適以粵東學使解藥洲圖屬獻之篆額首也時令叔辛楣視學在彼獻之將往省之

馮魚山孝廉來京僦居法源寺題其齋

木惠月二首

遠別慈親携弱弟廣州春又

荒寒屋問字隣墻懶漫人流水坊應風味在廣州學使解後

流水井坊魚山曩所寓看花處獨性情真臘前三日籬根雪和我

高歌定有神

漫究三倉括六書文章經訓一畝畬誰能浩浩尋

源後尚似循循下學初盡天祿琳琅森辟府貝宮

眩晃出珊瑚新知舊貫慙交集賴汝專心或起予

新會學官寄白沙集新刻本至感賦示魚

山孝廉

江門一水溯前賢手校遺編遂四年重刻之役始辛卯春子姓

彬彬能歲事門人矻矻有長箋附刻港文簡白沙詩教解二卷春陽即

境皆觀物風月何由到愛蓮碧玉樓高未親上每

懷石記意茫然

古泉刀五枚

泉刀傳自齊莒名齊大莒小孰重輕此刀非齊蓋

疑莒銘字是否文庚庚度長周尺六寸弱濶則七

分六分爭我聞園形象園法嘉祐之志沂州評銀

刀曰齊太公杏二寸柄異於長平洪遵志刀起漢

世兩口文乃異布并此文上又下以口口下隱隱

文直橫二枚可見二既蝕其一僅辨園相縈礙諸

明

異布之两口先後曷若楷隸行金錯書本泉府造
銖兩刀布同權衡雖無時代及邦國要與吉貨同
是程頤烜封演不可作董道譜但留形聲拓本依
佈出青綠轉以土蝕為光晶附諸小齋款識後何
必金玉爛滿籛

送姚姬川郎中假歸桐城五首

以下七末

十年通籍聯鴛侶兩載修書舊鳳巢今我餞筵猶
積憾先生經解未親欽枕江渴憶千竿竹負郭初
無一把茅綠酒紅燈色飛處宦囊卷內盡貧交
縱觀當代述人文前輩諸公用意勤清廟明堂庀
梁棟深山大澤蓄風雲開元大歷非空貌秀水新

城莫漫云君去重編海峰集首隨北地乞餘芬

劉廣

文大槪
姬川師也

滌岑失訪恨南還瀟岳青來逼大關夢寐舒王詩
墨處精靈洞谷石牛間夜喧北郭松千鬣春動西
畚水一灣慈母康彊兒子長丈夫集莫號藏山

桐城

錢田間有
藏山集

幾宵東觀繙書手忽撥殘更嶽頂雲示我天門誅
蕩語如披玉策赤青文飛揚逸氣鞭鸞鳳窈渺清
齋寫典墳江畔皖公山縱好有何巖壑可留君

姬川昨自

歸自泰安見示
登日觀頂長歌

新蔬軟脆帶春冰風味端宜筍蕨勝淡意回甘無

物喻苦言近辣有人憎紀侯秋夕綠詩瘦嚴子冬
心抱病能又到唐花風啓蟄桂官雪灑讀書燈

送紀心齋嚴道甫皆于
魚門此齋中置酒也

孔莊谷戶部席上賦高麗茶花

海雲開凍魚可又設繪不減姜侯家泥封甕圻選
大戶如借博望之銀槎嚴城晷短觴復急淪以異
色甕甌茶小團斑斑帶蓓蕾碎如蒟蒻連圓遺我
聞圖經記東國茶具製自宣和誇亦有銀爐與湯
鼎列俎幕布傳紅紗土產不及賜團貴別以卉種
充新芽農曾博物妙評品煎點方法來海艇吹香
似採松五葉導氣底用葎三楹吳君詩錄華氏賦

風土近代煩梳爬

明會稽吳明濟有朝鮮詩
選寧都華越有朝鮮賦

澆來胸中書

傳味起尋架帙窓影斜飲此可以當飲酒且莫盞
底供藏花

此處將下卷之
末南屋學士新
居一首移寫
於此

卷之二
三

册一百十三行

淨朝 十六页

沐
第...
...

蘇州蘇州
軒和...
...



十二卷以前

皆已刻板
內有補前卷一首

卷十二

續黃詩卷十二

卷十二
再查後定江南送中

江西送中

即須奉出同定

高升友
卷十二
白未一月十日

○ 裝 寫

復初齋詩集卷第十二

大興翁方綱文正三

寶蘇室小艸二

乙未二月至十月

岐鼓凡將歌為撫約賦

孔生嗜古不可量手摹歛識窮夏商上丁陪祀戟
門下目無施薛潘與楊作詩作篆冊示我四字七
字何琅琅蒼頡爰歷與博學皆本史籀為津梁永
平而上溯建武六篇之外初未亡五十五章章六
十是啓急就生凡將後來漸用艸書寫不名曰艸
名曰章盡失初教國子意史弗闕文聖所傷生云
岐鼓不云籀得毋未信為宣王此鼓與籀一耶二

欽卣二字分豪芒絳州趙氏釋者九鼎中剔圃劉
及雱不知雱也何所据壬鼓用尊馬既康東坡本
忽出楊慎少陵所以訛陳倉候官林琮昔共論鹵
弓之釋誠荒唐其文曰角畫下斷此冊宛如圭合
璋林釋文亦仿急就無人裒輯為考詳分合數字
偶同異鼓吹六籍皆笙簧生其助我訓纂續聖謩
萬古垂洋洋

示益齋蘭佩受禹蕪懷方軒

爾隨計吏太匆匆却話同遊似夢中春社鷄豚桑
葉雨晚陽籬柵菜花風苦思尚抱臨文病篝火都
添課子功二十年前滙溪水又看雱詠到兒童

得十五姪莆田書

通法寺庖思故人

元孝豐令昔寓此寺

蒲陽館外尋春忽

披望海登山句好養承家奉母身射策三年期未
晚課兒萬卷計非貧吾宗舉首衰然並兩浙文章

接八閩

去年姚江族人元折亦舉省試第一

瀛洲亭東海棠丁香盛開用蘇文忠玉堂

栽花省中種竹二詩韻

日披竹箭薙荆榛著述前賢各等身秘館琳琅照
千古遺編宛委第三春池光冉冉收雲入窻色融
融衰露新何止來禽與青李吮毫徒作看花人
病起猶防滯未除校讐未及早涼初星沈簾卷微

風定天澹霞蒸似雨餘藤架蔓催三月盡柳條綠
較十年踈旭暎眩晃玲瓏影恐是昏眸怯對書

北齊佛經石柱拓本歌曹鑑亭學使席上

作

先生策馬來飛狐衣上太行雪片麤握手已及花
間厨拂拭石墨量石跌想像大于石筍株潤或二
尺或尺餘梵經品第面面書分法波法先歐虞遺
山曾訪高歡居風峪風穴誰所廬文宣受釐天保
初瑤池之玉赤水珠金簡秘錄託憑虛樊秀才說
管夷吾然否甲館蘭臺儲近時釣翁小長蘆為題
君家倦圃圖古林金石其表諸晉祠泉空碧玉鋪

刪一首

斜街昨訊學士朱恨不同來傾百觚竹君是日花發未至
垂萬鬚拓窓長吟更手摹晚風相和狂歌呼此花
久與此客踈復記長安舊酒徒

次和竹井司寇疊前韻見示

流光坐送信堪嗤險韻長箋又屢披酒綠仍拈醉
花語眼青可少借山詩西川舊事人誰憶南郭僧
寮路不歌公指海棠為息壤月明昨夢定同之

竹井前詩末句云海棠在彼敢忘之蓋意在崇效之遊也因再疊韻呈釋石

禪院盤蔬陋莫嗤畫圖矮榻記同披因觀漁安擘
窠字為誦金風亭長詩花事不隨春尾去松

刪一首

刪一首

陰肯顧日暉歌酒酣題扇淋漓意待借團蒲一試

觀象臺渾天儀歌

玉堂食罷日過午我從郭君陟靈臺臺下壺所測
量所所司備位咸程材初觀元明舊儀二古銅溼
綠非莓苔郭君導我歷級上圓儀之下先徘徊捫
參歷井十指逼州居部次三垣排恒星經星定躔
度周三徑一無殊乖昏明晝夜一元氣二十八舍
森周迴其餘七儀南北列三辰六合摹九垓赤道
黃道右應左地平經緯秩以偕陰陽規合旋內外
單雙環倚機闔開惟初渾儀肇顛頊軒帝製逮堯

以來鮮于洛下張賈陸沈括亦繼淳風推近代制
器有存者

聖人出乃精蘊該範圍兩儀摠四極渾淪萬化中
胚胎方員規矩即天地樞機幹運為杓魁是以立
筭見全體晷景不獨子午牌圭如璣衡亦八尺密
室正啓臺之隈大司徒職本周禮周尺之度豈遠
哉郭君尔學甘石學宜究象數窮根芟昔者七略
崇文目校理各任專家才繪圖鑄式相表裏羅于
胸者皆模楷願矢詩歌當著錄四時風雨平泰階
青谿書仿李江夏作畫頗自董華亭董畫法即李

書法禿筆以意不以形枯枝瘦石乃繁重千巖萬壑翻輕靈二語評盡元與宋一喝駭絕來者聽此卷卧遊遊何所但取大意無畦町林巒向背出潭洞置屋處處泉泠泠渴筆沉頓忽無迹江遠逾白山尤青一揮百幅此其六想以目運機未停故應烏皮几子上吾子飄然夢吳舫令弟一官去嶺海留此萬里話蓬萍江山如此對誰說紅燈促坐客不醒君家長淮水閣在好山終日為翠屏淡如人意盡不得漏轉屋角看春星

按黃詩有述六首

碑兀精神只自傳何曾一字賴言詮李洪編後寧

尋得任史拈來亦偶然退聽堂前人問法皖公洞

口石參禪請聽韶武弦歌合孰是南華內外篇

介甫詩新鏤鴈湖東坡注尚闕西吳去年我得漕

司本上客誰為束哲徒南渡諸賢勤訂證番易一

序太模糊將刑什歸前什三集黃爭七集蘇

始興嶺下石灘邊暮雪沿泗記七年吾黨英多祗

誰是此心質對到前賢謝郎書札來邗上楊子馳

驅夢左繇只合挑燈直廬叩吉州客說贛江船

門

偈言不入戲鴻帖大字居然壓鶴銘昨夕臨摹忽

風雨先生筆力走雷霆五峰未得躋廬岳七佛何

嘗是梵經倒挂銀河響飛瀑江頭真面為誰青與

魚山觀七佛偈摹本

不信西江有派圖繼公詩獨道園虞詞章一變名

初祖理學真傳出大儒萬古乾坤清粹氣此中言

語後來無區區採摘黃譜比較分寧刻本殊

近日南朱與北王此揚彼抑竟何傷借從表杼樓

抄本每過崧坡叟草堂謂去歲分題瞻畫像今

朝再拜得焚香獨憐媚學鄰居子夜半高歌忽激

昂謂魚

沈石田遊善權洞詩藁

史永齡跋云正德己巳春陽羨吳大本邀先生遊善權歸

永齡往問起居出小水洞圖示之別後先生即卧病及秋而卒永齡奔送棺歛畢見斯畫委下因拾以歸明年又檢得當時記遊詩

葉林

葉一通後十二年辛巳裝成軸

已巳詩畫辛巳裝詩今則存畫已止石田之塔西

邨子手記遺事淚浪浪石田昔繪七星檜曾付永

齡俾寶藏此遊屈指昔遊日二十六載鬢益蒼禪

林碧殿驚火篆竹菇松擇纏風霜旱洞水洞分大

小秃筆湯滅無鋒銼猶堪髣髴水洞盡漏痕瀑布

垂幾行古藤瘦倚老人態又想史也拜向林松陵

後人真克守父執一字不敢忘以配虞山老檜卷

龍虎蛻骨雷雨倚先生猶在天地間白鬚碧眼神

飄揚荆溪茂苑日來往雲水浩浩無定方迴視此

卷當一笑刻舟求劍膠芥堂補圖作詩更多事塵

土筆硯追皇皇

揚州羅聘補圖

六月十二日有持舊抄山谷內集注本來

者鄱陽許尹序及目錄題下注脚二葉皆

在馬亟錄之賦此志喜

黃集無足本到今三百年

明宏治刻本已闕

詩譜繫于史豈

曰無鄭箋茲序非仿毛亦弗傳疏牽上言君父倫

大義何炳然下及漢以來作者數聯翩終於杜乎

取又不以言詮如我意中事往泊橫浦船藹孤氣

崔嵬飛翠下層巔大江浩揚靈孰可拈于前十載

無質處萬卷極丹鉛昨者官庫本始獲三注全

任淵

史溫分寧出新刻譜移舊編此事當聚合不徒

揚

文字緣忠孝蓋天性其氣必開先塞乎天地間攝

之鯢桓淵蠹簡有餘債昨夢屢迴旋馬得南陔刊

誰續寶劔篇是日公生日神實式憑焉乙未溯乙

酉人才曠接連七百三十載過眼驚雲煙中間任

史輩附驥名以傳同時得後山南豐實先鞭亦如

江梅詠益歎坡公賢應求非聲斯道乃仔肩區

區詩派圖紫微苦雕鏤觀此兩葉注可以衆說蠲

徘徊公像旁再拜何由宣精神不於紙復不於山

川小几爐炷香篆縷蒸綿綿晚來大風雨忽作山

響泉

此一首存於石牙

沈民則書朱子年譜墨蹟

七十年可千萬載胡絃林栗今安在雲間沈度再
拜書不比尋常墨精彩如此文字記姓名軒乎天
地自磊磊丈夫把筆要書此李邕滿望將毋浼度
也亦是純孝人兄弟雍容同樂愷初入官時寫金
冊有此敬謹心無怠排年章句與集註六經菽粟
史菹醢民生日用於此中两手生胝百不悔惜也
尔時此楷畫未磨成均石碑礪蘇平正始三體後
傳疏口義功增倍訂其訛誤從其是揆彼籀文一
終亥姿媚徒啓華亭派發洩直到董元宰流傳藝
林競摹搨歐虞家法供搜採笑我城陰晚涼句讚
歎僧寮法華海

城北覺生寺有永樂中鑄
銅鐘上鑄民則書法華經

曉起同魚山陶然亭作

城南溽霖餘積潦浩逾畝我車伊軋聲已落鴉起
後日光淡濛濛吞吐半陽阜倒垂葉間露披過掬
盈手所携非熱客不煩滌塵垢但念耳目營似已
光景負市聲喧未動山氣靜橫牖籬前雀啄花栢
下童縛帚單衣不覺溼烟中立良久橫陂昨來路
倏過採菱蕩

題擇石畫卷

春雨浪浪花未放木鷄軒中起遐想坐客皆醉主
自斟恣說一谿飛兩槩是日欲畫畫未竟夜深雨
晴月在幌六街觸熱無好詩誰知今晨忽畫之花

光蒸空露四滴柳陰帶水渾一碧鳥聲下上何千
百儻卧小船鋪片席先生端憶行春橋可少及時
浮大白

蕭尺木楚辭圖歌

杜老曾見天皇圖五雲太甲同歌呼蒼梧冥冥帝
子渚楚宮泯滅知有無又聞右軍訪漢畫五帝以
前疑可摹西蜀講堂一堵辟未知藍本誰搽觚屈
子辭本觀畫得先王廟想臨湘湖琦瑋儷危古賢
聖仰瞻憤憑生嗟吁陰風慘淡木葉下陵陸變見
川原紆馮翼惟象何以識淚作西海眼可枯九辨
九歌皆古樂飛龍弭節來笙竽當時無人寫此本

日暮惆悵雷雨俱徒使柳子臆作對蓬首^虎齒爰
處都二千年後忽落筆无悶道人何感乎雷碾搖
撼五岳手一絲一髮情踟躕羽人丹^印寐暘谷蘭
臯江水招神巫叔師景純未注處神采浮動窮錙
銖峰青樹綠罷歌舞儻有真見非模糊莫共龍眠
道園說太乙炁始參丹爐

文衡山關山行旅圖

自題云雪滿關山策騎時西風
搖削鬣毛吹嶺南別有梅花在

體不知寒只為詩
嘉靖甲寅秋日

先生一卧三十載馬知世有行路難偶仿右丞捕
魚意蕭然霽雪明江干此圖自作又非仿系以詩
句懷暮寒浮梁有似蜀道棧驛亭或指西江灘紅

檀表笠者誰子松間崖次猶凭欄於生得熟境閱
歷由細入粗筆折盤安得有人忘跋涉只圖覓句
未噴坼梅花半林如曉夢瘦影落月橫征鞍霜風
不嫌整帽重碧雲更在紅樹端村翁爨汲僕秣馬
記我曾倚肩輿看

濟寧州學新掘得膠東令王君斷碑

膠東令碑斷者二婁氏溯趙仍溯洪趙無其說洪
有說後銘前序事則同下云黃初上冲質何時宰
莅於膠東秩官錯出泐文內上世略紀邯鄲功田
園美宅果何用投石超距真家風當塗之世佐帝
宇鼎足爰建誇時雍吁嗟魏繇不古若方幅一變

漢

開俗工鍾繇梁鵠號能手受禪勸進徒肥穠此碑
魏年題以漢東京法尚留餘蹤惜哉不見額十字
膠水題異稽何從奮奮點畫辨纖末大饗漫借王
純通置之魯峻鄭固側星斗^立燭光熊熊頗聞李
君世好古^東鄭碑獲自君家翁斯碑字尚半洪錄
又憾釋未張昭逢玉堂同館拓分惠^{周檢討}隄糜黠
黠晴窓櫳宜補蕭常却經傳闕文不獨寶刻叢^時

編校郝陵
川後漢書

趙允夫手校書二種各題一絕

暴

汝南學自辛泉述更較徐家用意深我夢^暴書臺
大字春風吹水舞雩陰

揚桓六書統源
桓號辛泉其子克
明號辛泉後人泉即沂水地有克明篆

暴書
臺字

書目重編想討論博羅無復舊聞存寒山小宛堂

簷下時源長箋子母原

張萱景雅 卷尾凡夫艸篆題云萬歷已酉二月小宛堂閱凡夫著說文長箋

有子母
原一卷

鮮春雨龍氏一經齋記墨蹟卷二首

解龍兩氏世治易我嘗竊翫龍氏書楚中教授準

朱子爰位列畫希潛虛金釵嶺邊麗澤記想見兄

弟同匡居文江屈曲畫成字憶俯空綠觀游魚

吉州鄉人之茅柴雨春軒說春雨齋昔人考室比

松竹蓋以古學為根亥行中一技亦勁節明初諸

子誰模楷玉堂妙手風雨快政復俯仰前哲懷春雨

雪門
齋名

梁吳平忠侯蕭景神道石刻字

蕭梁墓字廿有三嚴子詩託哀江南紙長二尺濶

三尺其式非闕仍非龕撫軍將軍溯官闕南史梁

史文相參文曰梁故侍中中撫將軍開府儀同三司吳平忠侯蕭公之神道後先持節充與

郢辨能治劇威能戡苑中餞筵為流涕股肱之寄

忠無慙天監普通正全盛黍離鐘簏悲誰諳昔我

先人弔梁武金陵夜泊歌酒酣在康熙甲午夏墓門荒草想

指此銅仙淚續遺老談石紋摩挲古苔漬地志仿

佛花林探漢銘反寫有故事十回補入金石函此

字皆反漢諫永初七年官暨及巴官鐵盆銘丁字十官字皆反寫見妻氏字源

卞忠貞墓石柱字

又曰尚書令假節領軍將軍卞忠貞墓

嚴子跋文擬顏楷蓋感爪甲握透拳精靈發露後

先似似顏豈必顏書然卞公大節冠六代一門忠

孝出兩全碑表荒蕪邛樹毀彥昇已痛日月纏景

山酒鎗叔夜盞誰知異代相周旋

南史何點居東萊園門園園有卞忠貞冢點植

花冢側每飲必舉酒酌之

祠陰尚有北宋記亭名肇自南唐年此石

字出徐錯手王象之錄非浪傳錯也工篆楷亦爾

空中篔簹墮驚星躔冶城花開大桁路青溪水遶同

寒煙魯公諸碑更應覓圓好儻勝保母甄

王象之碑目建康有

魯公書碑數通未知存否

蘊山來詩有聯步花甄少一人之句

聯字原是隨字

刪四首

予改聯黯然有感續其語為四詩寄之

聯步花甄少一人書來舊夢遡壬辛看山小閣風

兼雨正是重陽落葉辰

共步璵珩託後塵蓬山情話更誰親舊看膝上王

文度可抵平生竺道人

時予與孔搗約編修同修韻書搗約予同年戶曹嗣君而蘊山辛卯禮闈

士所得

漫說蓬山聯步人張雷劒氣上星辰玉堂 內殿

仍分直剛對黃華一笑新

謂姚雪門編修供直內廷也

日影花甄念念塵雲窓霧閣未離身黃雙井集還

同校呂紫微圖第幾人

未書以校刊黃詩自任

院之東廳康熙乙未秋長洲何義門學士

書聯云儀鳳祥麟遊集盛金書玉字臧司
勤字畫道勁方網摹而重銀之記以四詩
玉佩琮琤日接聯瀛洲道古共羣仙兩行老樹陰
中宇坐卧尋思二十年
學士平生富校讐不徒艷說鳳麟遊丹黃 內殿
歸來後斜日惜惜院樹秋

楷法同時汪與何

汪謂退谷中允

顏筋恐尚遜虞戈廟堂化

度重摹在幾見翻新出擘窠

翰墨論緣六十春金書玉字萃

昌辰道園曾對鰲峯語空使駑駘愧後塵

技茶山集四首

前有陵陽後劔南中間句法許誰參已將北望神

州意收拾傳燈老一庵

居仁圖譜江西社遠自元和溯楚騷玉柱蝤蛸非

異味釀來清絕本滔滔

談禪談石復談茶山寺孤清自一家故里誠齋堪

配否賴江翠竹漱雲沙

得髓機關不可傳松風鶴夢故翛然後來何事堪

徐單俯仰絕可憐

同擇石魚門集丹叔侍讀齋觀所藏宋張

擇端清明上河圖卷

嗚呼政宣翰林畫題字大定明昌間其時金已過

都汴綠雲紅雪堆三山却想花石運艘日笙歌闐
咽千闐闐通門漕渠兩岸接士女袷服光爛斑槐
街游龍踏紫霧杏梁語鶯交朱欄萬瓦百貨筆莫
述竟借夢艸離黍看梁園清明花幾落鵲山寒食
酒又殘長沙百年追世澤鈴山千鍛輸權姦文江
才子簿作記南濠題跋語可刪傳聞內臣竊胥篋
御溝藏弃力所殫或疑匿去入馮保保也手跋今
尚完向來青父踵性父不言李祁與吳寬馮後流
落託誰手瘦金簽蹟覓已難主人具眼富搜擇此
物自歸天不慳晴窓吾輩得目飮一洗平日胸迴
環可作易圖翫消長又作無逸幽風觀畫家一技

乃至此嗚呼此乃真擇端

宿西苑直廬

紬書宿西苑舊榻記頭廳橋路殘秋淖宮門溼
曙星同來仍老友門魚不寐叩遺經所得霑衣袂香
山雨後青

法源寺訪菊歌示魚山

東家西家招賞菊異品牙牌看不足皆言法源寺
裏來僧擔更不煩僮僕都門菊種盛廿年十樣肯
教劉譜獨拈花安花兩寺最畫屏詩扇徵名目吾
師畫仿甌香館寶笈曾蒙百篇錄錫山邱侍郎繪菊
百種以進各題詩其上
分題夜飲記侍坐眩眼金毬燭光綠城東高家兩

垣下二百盆栽聚花族重陽後到十月初夕往連
晨兼夜宿尔来此種不足秘各各齋頭數盆蓄都
乞僧寮澆養方隨宜庭宇清供熟為遡寺中培接
始耐寒不使遊人觸深隔欄杆響輓轡護持蓓蕾
如珠玉萬鈴千疊一時發向來所賞真海粟誰知
霜候及時到分送人家如此速反思前日未開時
禪榻移來雨初沐徘徊客牖氣蕭瑟萬事虛名鑿
盈縮不如歸向擔頭買野色叢叢黃可掬

再題寶蘇室施注蘇詩殘本借公題靈峰
寺壁韻三首

蘇米齋中寶蘇室鏗然拄杖有聲來飲泉鑿面何

肉

分別夜發神光說五臺龍眠畫公金山像明人畫廣州小金山像趙升圖畫皆奉室中

傳家措勢參蘇法亦自僧虔倚柱來偃筆何曾廢

新意筋如魯國西臺

放翁投老山陰住觸著淋漓萬象來夫物芸芸各

歸宅湛然窓几照靈臺

定安莫海岡孝廉說五指山麓有蘇詩石

刻賦此以贈其歸

三酌粟泉水一題枕柳庵空意五指名遙青一烟

嵐定安崖州間屢問無人諳千巖萬谷風環合瓊

與儋冥冥綠霧積冉冉翠葛舍神物儻落此獨往

或偶探八年苦搜訪公蓋笑我貪意公集外詩續

我海外談仍意羅浮頂紫雲封石函顛空儼馭氣
周徧大海南
歲次再題元延祐甲寅江西鄉試石鼓賦卷後
前年獲觀石鼓賦又觀一賦周伯溫伯溫之書出
石鼓與賦相映增嶙峋賦中屈指羅與李小長蘆
昔採舊聞此卷八人為補六因想佚者更幾人自
從薛鄭通音釋孰以籀書考說文書詩春秋上下
索成蒐宣狩說則紛諸經纂言究同異似續絕學
于崇仁所以昌黎白科度道園果為披荆榛三場
肇此成典故四方觀者來成均病足老人為強起
拭目萬古炯有神一時傳寫試席作主司微意誰
與論宏道小楷極道逸但學姿媚已罕臻豫章城
陰竹梧響記曾無寐汗浹巾

曉赴西苑道中和竹井司寇韻

曉行和夜行兀兀殘夢半遙林尚燈光如舟泊遠
岸霜中氣轉喧霧溼星猶辨漸漸出遠山迤迤遞
隱見山翠橫林來霏白如曳練村際雅翻翻橋下
水渙渙橐筆記舊侶廿年紛聚散襍被道邊寺數
椽依海泛僮僕渾不識獨我餘昔戀校讐何補益
日夕涼燠換暫及市聲遠復憶宵征慣朦朧野陰
啓浙瀝秋響變倚公句勢勁矚目溪雲斷

饒桐陰觀海圖

刪一首

課士窮海濱三年迹如掃寤歌磐石上別思與誰
道官舍椰子林那覓再熟稻日日感陰雨眼盼秋
瓜老亦復具遙情時及朝日杲出郭渺大海一崖
倚晴昊短僮負笈外不知坤輿抱一瀉下萬里滾
滾風浩浩平生最壯觀賦詩後幽討急來官舍中
謀作畫圖彙冷官首宿盤辭歸恨不早秩滿例遷
邑軟塵歷城堡而子獨不然射策富擣藻徑上蓬
萊觀掇食瓊田草依舊兩頰紅肯使色枯槁學道
真實意忠信以為寶從茲砥文詞更要夙志保凜
乎如臨淵源委義深考秘館示我圖悅復夢此島
大洋百峒間舊遊談亦好

卷三
十五

刪一首

次韻裕軒學士野圃晚秋見寄并簡慕堂
筍河魚門

西郊題葉詩和章如筍束我句無可着短袖舞獨
速似要倩霜風收此眩眼綠驚人無傑思僻處尋
題目先生愛石竹頗亦秦殼棘竹殘亦可忍但護
菜畦曲圓頭花蔓菁大葉紫蘆菔菘芥課僮煮茶
瓜因客蓄泉甘非在山井潔豈占谷而客皆熟遊
以詩作尺牘儻得諸公偕是亦我所欲并聽殘葉
聲來打溪邊屋

裕軒送菜及菊再次前韻

新機妙誰擬舊書真可束叩門談養生握苗戒欲

刪一首

卷三
十五

速後水非前波新葉豈故綠念念相接生寸寸有
節目縱觀物消長使我增叢棘每歲收晚菘清晨
步墟曲氣到非水澆鮮嫩過芥服然其日夜息蓋
得霜力蓄莖如心抽萇根若泉漢谷不獨筍節喻
可補道藏牘試看匠接栽恐非菊所欲贈此非一
義書用銘我屋

南屋三首

遂乘曉霜氣菜如人意濃我作野圃記渺焉想前
蹤結構改面勢平揖近遠峰獨留山口光縱此水
際筍枯荷仍小橋挿棘展長壟四邊菊花水一於

此榻供所以山桃後來必乘晚菘

炯炯

不愛春夏綠愛此秋葉黃先生看山眼

光黃葉亦何好取及菘可嘗老韭細轉青新芥辣

更香蔬實飽風露卉木閱炎涼高樹未搖落鄰畦

已登場柴門客不驚鳥雀自成行了然驗物理後

時獨何傷

七人來者六一歲至甫再雖抱促膝懷屢以溽雨

礙橋南官河濬近漸柴門對萬泉之上游諸峰受

以黛鱗鱗風漪來動盪日光碎空際飛鳥影落我

衣襟內小坐沙石旁忽聽村犬吠始知園廬近漫

資蔬畝溉半日問水源不獨觀擷菜

資肅介庵先生八十壽詩四十韻

老輩推吾里如今復幾人靈光歌在魯介壽俗吹

幽為極延釐月黃鐘吐莢旬一陽開建子八表溯生

申早得文章譽時維學殖純先河為藝圃後鄭必

經神易自資州後詩誰卜氏親衆長弥疊疊蒼萃

肯斷斷抗角寧逢鹿懷鉛遂訖麟歲育無廢業衡

庫有功臣馮猶龍有
春林秋庫帖括於茲盛承師自昔遵南方

推竹里耆耄並還淳孰扶傳箋詁紛羅笙磬斲甲

科兼濟濟著錄日佚佚集鱣堂邊院金魚池北湄

舌耕傾億廩篋負積千薪堦砌紅榴樹摩挲月露

晨勛毋忘灌溉幸各託松筠捧檄洛州去斯筵點

瑟春臨岐謂童冠他日聚荀陳老境應增壯同門

迥照隣光輝動桑梓德業潤簪紳廿載祝之久今

朝願果伸恭惟來集祐側想數前塵邛叟初譚藝

孝廉虞庭
先生諱琮何翁寂絕倫明府
玠劉明經育早
孝廉育升于儀部暉
明經暉心共許

飲啖健交淡性情真猶是紅燈近環看鶴髮新當

時襁褓者今日往來賓子姓才逾啓孫曾慶更臻

卿雲瞻詩誥錫立雪即觴辰老屋仍先築開扉便近闈釣遊

還杖屨情話或親姻古有江鄉壽誰如

帝里仁同年無等輩四季有時珍東觀黃香富西

京劉向醇後先儒學傳者舊典型身謂吾鄉前則黃崑

生也父執兼師事情聯更誨諄粉榆鄉社侶歲歲

頌長椿昔今日卦未實七卦本並皆新曾更

吾子日下補舊聞兼採翔易窮燕雲唐末之碑金

代刻舊石或曰兵火赫幽陵幽鎮一字異夢溪行

後懷昔勲趙賈之書不可見趙鳳自後唐太祖紀年錄

歐薛同異徒紛紛唐季兵連自諸鎮數州而外皆

賊氛雁門僕射世將種頭上火出鷓鴣軍羝羊三

千觸城破白帶一繫王愾勤論功當日俱第一此

尚武以備

舉不止婚姻云易定尚是李家土尺寸肯許節鎮

分五十萬人瀝誠禱神之聽之一氣焮鳴鼓而去

鏡吹返此心足以對大君三垂岡頭竟雪耻百年

歌響留半醺山川如此可軟血史論猶謂非桓文

承天閣窄代州道新晴想像倚夕曛何時剔苔訪

沙磧儻掘舊石憑耕耘

范芝岩王石臞饒桐陰三庶常同日請假

南歸且將同過蘊山即齋八詩

石湖山下春如許木瀆帆輕一笛風不是竹西歌

吹夢瘦梅花外雨濛濛

壽蓮山

以

寫一卷子

寫一卷子

昌辰接
上。空一松寫

昌辰脫囊穎末學廁典校爝火敢言炳叔也歸自
南猶恐未合併天俾經術手縱之史才騁果遂對
衡宇益覺親鄉井奎壁森文昌照耀寒芒炯蓬島
珠樹中一雙鴻雁影伊余慚弱羽亦自勵修整巢
鳳揚其音臯禽敢違警公膺屏翰寄鈴閣常鎮靜
何減在館垣洗心外務屏大被况竒温重幃不淒
冷築堂名鄂不一氣聯根梗南即椒花舫令兄竒河齋名也
庫排甲乙丙養素富籤帙崑園黃先生硯山羅鐘鼎退谷孫先生
二家目所遺百積身之等我來得借觀同儕亦造
請周顥時饋菘圖學士圖萊頗佳束哲邀說餅曾太僕昨招同啜麪栽樹
賦角弓汲泉有深綆幾箇同岑侶語默忘畦町希

麪

聲琴非絃太樸錦加裝猶似婉孌日論文氣銳猛
但添閱歷多默坐意已領南窓晴旭升深院裝雪
景回頭江海夢吹喚梅花醒苔竹不世情得味在
幽迥相與約銷寒設客但烹茗

昌辰接
上。空一松寫

册六十一行

存文及卷七行

又將决及列一各十二行移於卷七

另二卷

幽庭叶與佛龍寒... 景四龍... 琴非致人對... 論天... 卷七

